



ԹՐԱՆՍՓԱՐԵՆՍԻ
ԻՆԹԵՐՆԵՇՆԼ
հակափոշուպցիոն կենտրոն

Թրանսփարենսի ինթերնեշնլ հակափոշուպցիոն կենտրոն

ՌԱԶՄԱՎԱՐՈՒԹՅՈՒՆ

2025-2027



ԱՌԱՔԵԼՈՒԹՅՈՒՆ

Խթանել լավ կառավարման
և ժողովրդավարական
գործընթացները՝ հանուն
պետականության
ամրապնդման և կոռուպցիայից
զերծ Հայաստանի:

ՈԱԳՄԱՎԱՐԱԿԱՆ ՈՒՂՈՒԹՅՈՒՆՆԵՐ



Հակակոռուպցիոն քաղաքականություն և կոռուպցիայի կանխարգելում



Իրավունքի գերակայություն



Հանրային ռեսուրսների պաշտպանություն



Քաղաքական համակարգ և ընտրություններ



Հակակոռուպցիոն կրթություն



Քաղաքացիական տարածք



Հակակոռուպցիոն քաղաքականություն և կոռուպցիայի կանխարգելում

Հիմնախնդիր

2019 թ. հետո կոռուպցիայի ընկալման համաթվի թռիչքային աճի և ձևավորված ակնկալիքների համեմատ՝ վերջին տարիներին համաթիվը չնչին փոփոխություններ է կրել, որը պայմանավորված է կոռուպցիայի դեմ պայքարի ոլորտում իրականացվող բարեփոխումների անբավարար արդյունքներով: Կարևոր խնդիրներից են մնում բարեվարքության ինստիտուտների ոչ լիարժեք գործունեությունը, հանրային կառավարման ոլորտում կոռուպցիոն ռիսկերի բացահայտման ու կանխարգելման գործիքակազմերի բացակայությունը:

ՆՊԱՏԱԿ

Աջակցել հակակոռուպցիոն քաղաքականության արդյունավետ իրականացմանը և կոռուպցիայի կանխարգելմանը

Խթանելով հակակոռուպցիոն ռազմավարության և այլ ռազմավարություններում հակակոռուպցիոն քաղաքականության, միջազգային հակակոռուպցիոն պարտավորությունների արդյունավետ իրագործումը

Նպաստելով բարեվարքության ինստիտուտների կայացմանը և կոռուպցիան կանխարգելող արդյունավետ մեխանիզմների ներդրմանը

Նպաստելով պետություն-քիզնես հարաբերություններում կոռուպցիայի կանխարգելմանը



Իրավունքի գերակայություն

Հիմնախնդիր

Թեև վերջին տարիներին կոռուպցիայի դեմ պայքարի ուղղությամբ մի շարք օրենսդրական ակտեր են ընդունվել, դրանք հաճախ մնում են թղթի վրա համապատասխան կարողությունների, քաղաքական կամքի, ընտրողական վերաբերմունքի պատճառով: Կարևոր խնդիրներից են մնում կոռուպցիայի դեմ պայքարի ընտրողական մոտեցումը, փաստերի վրա չհիմնված և ոչ թափանցիկ որոշումների կայացումը, հանրային վերահսկողության և հակակշռման մեխանիզմների պակասը:

ՆՊԱՏԱԿ

Նպաստել
իրավունքի
գերակայությանը

աջակցելով կոռուպցիային հակազդման համակարգի կայացմանը և արդյունավետությանը

խթանելով հանրային շահի և դրան առնչվող մարդու իրավունքների պաշտպանությունը

խթանելով լավ կառավարումը վերահսկողության և հակակշռման մեխանիզմների կայացման միջոցով



Հանրային ռեսուրսների պաշտպանություն

ՀԻՄՆԱԽՆԴԻՐ

Հանրային ռեսուրսների, այդ թվում՝ հանրային ֆինանսների կառավարումը բազմաթիվ կոռուպցիոն ռիսկեր է պարունակում. արդիական խնդիրներից են հանրային ֆինանսների և հանրային ունեցվածքի, այդ թվում՝ բնական ռեսուրսների արդյունավետ կառավարման, թափանցիկության և հաշվետվողականության պակասը, հանրային ծառայությունների մատուցման ցածր որակը:

ՆՊԱՏԱԿ

Պաշտպանել
հանրային
ռեսուրսները

Նպաստելով հանրային ֆինանսների և հանրային ունեցվածքի (այդ թվում՝ բնական ռեսուրսների) արդյունավետ, թափանցիկ և հաշվետու կառավարմանը

Նպաստելով ընտրված ոլորտներում հանրային ծառայությունների որակի բարելավմանը, թափանցիկ և հաշվետու կառավարմանը, կոռուպցիոն ռիսկերի գնահատմանը և հակակոռուպցիոն միջոցառումների պլանի մշակմանը



Քաղաքական համակարգ և ընտրություններ

ՀԻՄՆԱԽՆԴԻՐ

Ընտրությունների ընթացքում օրինախախտումների պրակտիկան ընդհանուր առմամբ նվազել է, սակայն արդիական է մնում վարչական ռեսուրսների չարաշահման և մի շարք այլ հարցեր: Տարիների ընթացքում ձևավորված ավտորիտար ավանդույթները խոչընդոտել են այլընտրանքային քաղաքական կուսակցությունների կայացմանը, իսկ ֆինանսավորման աղբյուրների թափանցիկության պակասը բացասաբար է անդրադառնում հանրության կողմից կուսակցությունների նկատմամբ վստահության վրա:

ՆՊԱՏԱԿ

Խթանել օրինավորությունը քաղաքականության մեջ

Նպաստելով ազատ, արդար և թափանցիկ ընտրությունների իրականացմանը

աջակցելով կուսակցությունների կայացմանը և բարեվարքությանը



Հակակոռուպցիոն կրթություն

Հիմնախնդիր

Կոռուպցիայի դեմ պայքարի ոլորտում համակարգային խնդիրները մեծապես պայմանավորված են հանրության շրջանում իրազեկվածության ու քաղաքացիական ակտիվության ցածր մակարդակով, կրթական համակարգերում հակակոռուպցիոն կրթության անբավարար որակով և ծավալով, հանրամատչելի կրթական նյութերի պակասով:

Նպատակ

Խթանել քաղաքացիական առաջնորդությունը

Նպաստելով կրթական հաստատություններում հակակոռուպցիոն գիտելիքի տարածմանը

Բարձրացնելով քաղաքացիների գիտելիքի մակարդակը կոռուպցիայի դեմ պայքարում

Ղևախառնելով հակակոռուպցիոն թեմաներով հանրամատչելի կրթական նյութերի ծավալը



Քաղաքացիական տարածք

ՀԻՄՆԱԽՆԴԻՐ

Լավ կառավարման ու ժողովրդավարության կայացման կարևորագույն հիմնասյուներից է իրավական ու գործնական նպաստավոր միջավայրում գործող և զարգացած քաղաքացիական հասարակությունը: Այս ոլորտում արդիական խնդիրներից են հանրային մասնակցության մեխանիզմների ու հնարավորությունների հետ կապված թերի օրենսդրական դաշտը ու իրավակիրառ պրակտիկան, քաղաքականությունների մշակման ու իրականացման գործընթացներում ԶՅԿ-ների ոչ բավարար ներգրավումը:

ՆՊԱՏԱԿ

Խթանել բարենպաստ քաղաքացիական տարածքը և ԶՅԿ-ների նշանակալի մասնակցությունը հանրային քաղաքականության գործընթացներում

Նպաստելով քաղաքացիական հասարակության կազմակերպությունների իրավական և գործնական միջավայրի բարելավմանը

Նպաստելով հանրային մասնակցության բարելավմանը հանրային քաղաքականության գործընթացներում

ՊԱՏԱՄԽԱՆԱՏՈՒ ՄԱՐՄԻՆՆԵՐ

2025-2027 թթ. ռազմավարական պլանի համար

ԸՆԴՀԱՆՈՒՐ ԺՈՂՈՎԸ

հաստատում է ինչպես սույն ռազմավարությունը, այնպես էլ ռազմավարական նպատակների իրականացմանն ուղղված գործունեության վերաբերյալ Գործադիր տնօրենի հաշվետվությունները:

ԽՈՐՀՈՒՐԴԸ

մասնակցում է ռազմավարության մշակմանը և ներկայացնում է այն Ընդհանուր ժողովի հաստատմանը, ինչպես նաև ի գիտություն է ընդունում ռազմավարության իրականացմանն ուղղված տարեկան գործողությունների պլանները և հավանության արժանացնում դրանց կատարման հաշվետվությունները:

ԳՈՐԾԱԴԻՐ ՏՆՕՐԵՆԸ

ապահովում է ռազմավարական նպատակների իրագործմանն ուղղված գործողությունների պլանի կատարումը և ներկայացնում դրա իրագործման վերաբերյալ հաշվետվությունները, ինչպես նաև ռազմավարական նպատակների իրականացմանն ուղղված գործունեության վերաբերյալ հաշվետվություններ՝ Ընդհանուր ժողովին:

ԱՇԽԱՏԱԿԻՑՆԵՐԸ

մասնակցում են ռազմավարական պլանի և հարակից փաստաթղթերի մշակմանը, իրականացնում են ռազմավարական նպատակների իրագործմանն ուղղված, տարեկան աշխատանքային պլաններով սահմանված գործողությունները և դրանց ընթացքի վերաբերյալ պարբերաբար հաշվետվություններ ներկայացնում՝ ըստ սահմանված կարգի:

ԹՐԱՆՍՓԱՐԵՆՍԻ ԻՆԹԵՐՆԵՇՆԼ

հակաոռոտացիոն կենտրոն



www.transparency.am



www.facebook.com/TIArmenia



(+374 10) 569589, 569689



info@transparency.am